

Filipae

Naoa itəm Pol təməte tuwın kəm iəfak mın ikin Filipae

Nəghatən əkuəkır rəha naoa u Filipae

?Pah təməte naoa u? Aposol Pol təməte naoa u.

?Təməte tatuwın kəm pah? Təməte tatuwın kəm niməfak əpəh Filipae.

?Nəmegəhən tahro nulan nian təməte? Pol in təmətuoun niməfak əpəh Filipae e rəhan naliwəkən itəm tatol kəiu lan. Nian Pol təmətətig e kalapus əpəh Rom, netəm rəha niməfak əpəh Filipae, kəmotahl-ipən Epafrotaetas məmə otəmik mənı neen muwın kəm in. Okəm-naka, niməfak əpəh Filipae in təmətuoun mahl-ipən mənı kəm Pol.

?Təməte naoa u o naka? Pol təməte naoa u məmə otən tagkiu o niməfak əpəh Filipae o natimnat itəm kəmotahl-ipən kəm in. Pol tolkeike məmə otıləs-ipər nətəligən rəhalat, kən mən-ipən kəm ilat məmə suatip kitıəh əm məmə okotagien lan. İesu Kristo pısın əm tıtun nolən ilat nıkilat tagien, nat əpnarın məmə koatətig e nian wır o nian iəkıs.

Pol təmən təwır kəm ilat

1 ¹Io Pol, ne Timoti, slef mil rəha Kristo İesu, iatuən təwır kəm itəmat rafın netəm koatəfak kəm Kristo İesu əpəh Filipae, ne netəm-iasol rəha niməfak, ne dikon mın.^a ²Pəs Uhgın u Tata rəhatat, ne İərəmərə İesu Kristo, okuawte-in nəwırən ne nəməlinuən kəm itəmat.

Pol təməfak o netəm Filipae

³Iakolkeike mə iakən kəm itəmat məmə nian mın rafın itəm nıkkik təht itəmat, iatən kəm rəhak Uhgın məmə nıkkik tagien otəmat. ⁴Kən nian rafın e rəhak rafın nəfakən otəmat rafın, iatəfak əm e nagianən,

⁵mæto-inu rəhatəmat nawteən təmasitu lak e wək rəha namnusən təwir, e nətuounən, nian nəmotahatətə e namnusən təwir, mætoarus-pa u-roiu. ⁶Tol nəhlan ekitun wir məmə Uhgīn itəm təmətuoun wək təwir e nəmegəhən rəhatəmat, in otəpanol namnun lan e nian Kristo Iesu otitəlig-pa min.^b

⁷Nian rafin, iakolkeike pik itəmat, kən ekəike mæto nagienən nəhlan mæto-inu itəmat nəmotuwa kotol kitih e nəwirən rəha Uhgīn o wək itəm təmos-ipa kəm io. E nian emətətig e kalapus, ne nian emətan əm matətul-arəp o namnusən təwir məmə in nīpahrienən, mæto itəmat nəmotasitu lak. ⁸Uhgīn titun məmə iatən pahrien məmə iakolkeike məmə ekəplan itəmat, mæto-inu iakolkeike pik itəmat, tahmen əm məmə Iesu Kristo tolkeike mihin itəmat.

⁹Kən inu rəhak nəfakən məmə rəhatəmat nolkeikeən otəwiə təhmin min e nitunən nat ne nenatigən rafin ¹⁰məmə itəmat onəkotitun nehman nat naka in təwir pik agin-əh, kən məmə onəkotətuatip wir, kəseh-m-pənən nat tərət kit etəmat e nian itəm Kristo otuwa min lan.^c ¹¹Pəs rəhatəmat nəmegəhən otəe-in noan nəwirən ne nətuatipən itəm Iesu Kristo tatol e nəmegəhən rəhatəmat, o nənwiwian ne niləs-ipərən nərgi Uhgīn.

Nian Pol əpəh e kalapus, netəmim kəmotəto namnusən təwir

¹²Io min neen, iakolkeike məmə onəkotitun məmə nat ənpəpīn nahmən naka itəm kəmol lak, mæto təmasitu pik o nən-iarəpən namnusən təwir kəm netəmim tərət, ¹³mæto-inu tol nəhlan, mopael min itəm koatehm nimə rəha Sisa, ne netəm pisin pisin min tərət, kinotitun rəkis məmə io etatig e kalapus mæto-inu io iolwək rəha Kristo.^d ¹⁴Kən rəhak natigən e kalapus təmol məmə iəfak min iuəhkir ilat rafin kəmotahatətə əskasik təhmin min e Iərəmərə, kən matol nətəligən rəhalat təkasik o nən-iarəpən nəghatən rəha Uhgīn məsotəginən.

¹⁵Nīpahrienən, neen kəmotən-iarəp namnusən təwir rəha Kristo mæto-inu koatetə io kən motolkeike məmə okotəprəkis-in io. Mæto neen koatən-iarəp əm namnusən təwir rəha Kristo e nətəligən ətuatip. ¹⁶Itəm min u nətəligən rəhalat tətuatip əm, ilat koatən-iarəp namnusən təwir mæto-inu kotolkeike io, kən motitun məmə Uhgīn təmələhəu-pən io ikin-u e kalapus məmə iatətul-arəp o namnusən təwir məmə in nīpahrienən. ¹⁷Mæto neen itəm koatetə io, kəsotən-iarəpən Kristo e nīkilat pahrien, mæto koatol əm mæto-inu kotolkeike məmə okotiləs-ipər atip ilat, kən nīkilat təht məmə okotol nəratən kəm io roiu, nian etatig e kalapus. ¹⁸Mæto nat əh, nat ənpəpīn əm. Okəmə koatol e nīkilat pahrien o kəp, mæto nat asol məmə koatən-iarəp namnusən təwir rəha Kristo, kən inu tatol nīkik tətəgien.

¹⁹Pahrien, kən nīkik otagiēn min mətō-inu ekitun mēmā e noa nāfakən rəhatəmat, ne nasituən rəha Narmin rəha Iesu Kristo, in otosmegəh io e nərətən u,^e ²⁰tahmen əm mēmā iakolkeike pīk kən matələhəu-pən rəhak nətəligən mēmā oesolən nat kit itəm otol aulis io e niganəm̄ti Uhgīn. Mətō roiu ne nian rafin, nīkik təkaskik mēmā okəmā iatəmegəh o ekimis, mətō iatisiai-in Kristo e nəmegəhən rəhak. ²¹Tol nəhlan mətō-inu nəmegəhən rəhak in Kristo əm, kən okəmā ekimis, in nat təwir taprəkis.^f ²²Okəmā iatəmegəh əh, in təwir o nolən wək məsīn min rəha Uhgīn e nətueintən. ?Kən ekitəpun itəm pəhrūn? !Ĭkəruru! ²³Roiu əh suatip kəiu katuəmāhl aupən in io, mətō iakolkeike ilau kərən. Iakolkeike pīk mēmā iakapəs natigən ikin-u muwin məplan Kristo itəm in təwir agin maprəkis-in natigən u ikin-u.^g ²⁴Mətō iakəplan mēmā ekəike mətətig ikin-u o nasituən etəmat. ²⁵Kən mətō-inu ekitun mēmā inu in nīpahrienən, kən ekitun mēmā oekətətig kitat min itəmat, o nasituən etəmat mēmā nahatətəən rəhatəmat otəwiə e nagiēnən. ²⁶Kən e nolən əh, nian ekuwa min məplan itəmat, nikitəmat otagiēn nakotənwiwi Kristo Iesu, mətō-inu io emitəlig-pa min otəmat.

Nətulən əskasik

²⁷Kən nat asol, itəmat onəkotəkəike motol mēmā nolən min rafin e nəmegəhən rəhatəmat koatos-ipən nisaiiən kəm namnusən təwir rəha Kristo. Kən, nat ənpapīn okəmā ekimnə o esimnəən, pəs oekəto mēmā nakotətul əskasik e nətəligən kitīəh əm, kən mēmā itəmat rafin, itəmat nakotalkut e nətəligən kitīəh əm o nən-iarəpən namnusən təwir,^h ²⁸kən mēmā nəsotəginən rəhatəmat tikimīr min. Inu nəmtətīn kit olat mēmā Uhgīn otərəkin ilat, mətō in otosmegəh itəmat. Uhgīn otol natimnat min əh rafin. ²⁹Otol nəhlan mətō-inu in təmegəhan-in mēmā onəkotahatətə e Kristo, kən nat kit min, mēmā onəkotos min nahməən ron.ⁱ ³⁰Kitat rafin koatətig e nəmouən kitīəh əm, itəm nəmotəplan e rəhak nəmegəhən aupən, kən roiu nakoatəto mēmā ekətətig lan.

Kotəkəike kətəu-pən suatip rəha Iesu Kristo

2 ¹?Nikitəmat təkaskik e Kristo mətō-inu noatol kitīəh itəmat min, o kəp? !Əwəh! ?Nakoatəto təwir e nolkeikəən rəhan, o kəp? !Əwəh! ?Moatauilim itəmat Narmin Rəha Uhgīn, o kəp? !Əwəh! ?Moatol təwir kəm itəmat min kən moatasəkitun itəmat min, o kəp? !Əwəh! ²Təwir, pəs nətəligən rəhatəmat tuwa kitīəh; kən motolkeike itəmat min; kən motuwa kitīəh e narmin ne nətəligən o natimnat itəm nakoatuwin ron. Kənu, okəmā nəkəatol natimnat min əh, in otol nīkik tagiēn pīk agin. ³E nolən

kitiäh əm, sotolən nat kit məmə itəmat nakotəwir motaprəkis-in itəmat min neen, kən sotolən nat kit məmə nakotiləs-ipər atip itəmat lan. Məto otos-iəhau atip itəmat, kən otətəlig-in pik itəmat min neen taprəkis-in itəmat əm.^j ⁴Kən otasitu etəmat min e nəmegəhən rəhatəmat. Təsəwirən məmə suah kit tatehm atip əm rəhan nəmegəhən.^k

⁵Rəhatəmat nətəligən otəkəike mahmen e nətəligən rəha Iesu itəm tol min-nulan:

⁶Kristo in tahmen əm e Uhgın

məto in təməsalkutən məmə in otaskəlīm nepətən rəha Uhgın,^l

⁷məto təməpəs rəhan nepətən, kən təmuwa mahmen e iolwək əm kit, kən təmair e nətueintən muwa etəmim əm kit.^m

⁸Kən nian in etəmim kit, nipətın tahmen əm etat, in təmos-iəhau atip in mol nəwia Tata Uhgın e natimnat rafin muwa mətoarus mimis, itəm kəmol aulis in e nimisən e nig kəluau.ⁿ

⁹Məto-inu təmol nəhlan, Uhgın təmiləs-ipər ağin in, kən mos-ipən nərig kəm in itəm taprəkis-in nərig min rafin,^o

¹⁰məmə e nərgi Iesu, natimnat rafin itəm koatəmegəh ikin min rafin e neai, ne nətueintən, ne niki nitən ləhau ikin, okotisin nulilət motos-ipən nisialiən kəm in,^p

¹¹kən ilat rafin okotən-iarəp məmə Iesu Kristo in İərəməyə, o nos-ipənən nisialiən kəm Tata Uhgın.^q

İtəmat nəkotahmen e nəhag-əhagən e nitən min

¹²Rəhak netəmim min itəm iakolkeike pik, nian emətan kitat min itəmat, itəmat nəmoatol nəwiak nian rafin. Kən roiu, məto-inu etatig isəu otəmat, itəmat atip nəkotəkəike motalkut əskasik məmə nəkoatol nəwiak e natimnat min u: məto-inu ninotitun rəkis nolən əh rəha Kristo, otalkut əskasik o nətəu-pənən suatip rəha nosmegəhən. Otətəu-pən suatip əh e niganəmti Uhgın motasiəp motəgin. ¹³Kən otətəu-pən suatip əh məto-inu Uhgın tatol wək e nəmegəhən rəhatəmat məmə onəkotolkeike məmə nəkoatol nəwian, kən tatos-ipinə nəsanənən kəm itəmat məmə onəkotol pahrien nəwian.

¹⁴E natimnat rafin itəm nəkoatol, sotəghat-əghatən ron, kən məsotərgəhəuən ron ¹⁵məmə nəmegəhən rəhatəmat otətəuətip wir, kən kəsehm-pənən nəratən kit lan, kən itəmat nenəti Uhgın itəm nolən eko-eko tikə etəmat, itəm nəkotatig e nəlugi netəm koteko-eko, iapınəp min. Kən itəmat nakotəhag-əhag tahmen e məhau min e nətueintən ¹⁶itəm nakotaskəlīm wir nəghatən e nəmegəhən. Ken otol natimnat min əh rafin

j 2:3 Kal 5:26 k 2:4 1 Kor 10:24 l 2:6 Jon 1:1-2; 17:5 m 2:7 Jon 1:14; 2 Kor 8:9
n 2:8 Hip 5:8; 12:2 o 2:9 Wək 2:33; Efes 1:20-21; Hip 1:3-4 p 2:10 Rom 14:11
q 2:11 Rom 10:9

məmә nian Kristo tatuwa min, kən ekausit otəmat, kən oekitun məmә esaiu əpnapinən, nahgik təsikəən o nat əpnapin əm.^r ¹⁷Nolən rəhatəmat rəha nahatətəən e Uhgın tahmen e sakrifais^s kit kəm Uhgın. Okəm-naka ekimis, kən muwa mahmen e sakrifais e wain itəm katahtəg-pən ilau sakrifais rəhatəmat. Məto nat əpnapin əm, nikip tagien əm kitat min itəmat. ¹⁸Kən e nolən kitiaħ əm, nikitəmat təkəike magien itəmat min io.^t

Timoti ne Epafrotaetas

¹⁹Okəmә Iərəmərə Iesu tegəhan-in, iakolkeike məmә ekahl-ipinә Timoti timnә məplan itəmat məmә nian iakəto nammusən etəmat, kən io min, nikip otagian. ²⁰Suah kit tikә min u ikin-u itəm rəhan nətəligən tahmen e rəha Timoti, itəm nikin tatəht pik itəmat. ²¹Netəm pisin pisin koatətəlig-in atip əm wək min rəhalat, məsotətəlig-inən wək rəha Iesu Kristo.^u ²²Məto itəmat nəkotitun məmә nian rafin tahro nulan Timoti tatol wək rəha Uhgın, kən rəhan wək in təwir, kən tahmen e suakəku tatol wək ilau rəhan tata, in təmasitu lak e wək rəha nammusən təwir. ²³Məto-inu o nat əh, nikip tatəht məmә nian oekitun məmә rəhak natigən otahro nulan, oekahl-ipinә uəhai əm timnә mehm itəmat, ²⁴kən ekahatətә e Iərəmərə məmә otəsuwəhən io min ekimnә mehm itəmat.

²⁵Məto nikip təht məmә ekəike mahl-ipinә Epafrotaetas titəlig-pinә məplan itəmat. In piak itəm iatuea kitiaħ matioal wək kitiaħ, kən matuəluagin e nəluaginən kitiaħ rəha Uhgın. Aupən nəmotahl-ipa e nərgitəmat məmә otuwa mən-iarəp kəm io nammusən rəhatəmat, kən məmә otasitu lak.^v ²⁶Məto roiu, in tolkeike pik məmә otəplan rafin itəmat, kən matəto tərət pik məto-inu itəmat ninəto rəkis məmә in tatimis. ²⁷Pahrien, in təmatimis pik, iuəhkir əm timis. Məto Uhgın təmasəkitun, məto sənəmә in əm, məto io min, kən təmahtosig-in nat əh itəm otol nikip titəgət pik. ²⁸Məto-inu o nat əh, nikip tagien pik o nahl-ipinən məmә nikitəmat otagian nian onəkotəplan, kən məmә io ekaluin nikip təsəht minən. ²⁹Nikitəmat otəkəike magien məmә onəkotəplan min, tahmen məmә in piatəmat kit e Iərəmərə. Kən otos-ipən nisiaiin kəm netəm kotahmen əm lan, ³⁰məto-inu iuəhkir in timis o wək rəha Kristo, məsəginən o rəhan nəmegəhən e nian əskasik min məmә in otasitu lak, nian rəhatəmat suatip tikә o nasituən.

Suatip pahrien o nosən nolən ətuatip

3 ¹Rəhak min netənim itəm iakolkeike pik, inu nammun nəghatən rəhak. Otagian o Iərəmərə. Kən ekəte min əm nəghatən kitiaħ itəm

r 2:15-16 Dan 12:3; Fil 1:10; 1 Tes 2:19 **s 2:17** Nian tepət netəm Isrel koatoh nat megəh min motuwaan e nigəm əpəh e Nimә Rəha Uhgın məmә okotəfak. Nian neen koatəhtəg-pən wain o nəhau e nat megəh itəm nigəm tatus tahmen e nos-ipənən kəm Uhgın.

t 2:18 Fil 3:1; 4:4 **u 2:21** 2 Tim 4:10 **v 2:25** Fil 4:18

emæte kəm itəmat aupən, mæto sənəmæ in nat tiækis ron io, kən in otasitu etəmat mahtosig-in itəmat o nəghatən eiueiuə min.

²Roiu, iatən kəm itəmat məmæ, !Oatəto kuri min əh! !Oatəto netəm koatol nolən rat min! !Oatəto netəm koatəte itəm! Ilat koatən məmæ okæike kəhg-ipən suah kit məmæ in otətuatip e niganəm̄ti Uhḡin. Netəm min əh kotahmen e kuri iarupin min itəm koatol nərətən.^w ³Məto kitat u nenəti Uhḡin pahrien min itəm in təmæte rækis nolən rat min e nikitat, kən Narmin Rəha Uhḡin tatol məmæ kitat kotitun nəfakən kəm Uhḡin e rəhatat nəmegəhən. Kən kitat kotsait pik e Kristo Iesu kən motagile əm lan, mæto sənəmæ in nat kit itəm kitat atip kəmotol e nipətitat o nosmegəhən itat.^x ⁴Məto aupən, rəhak natimnat nəhlan tərət itəm emətagile lan o nosmegəhən io. Kən okəmæ suah kit nikin təht məmæ titun nagile əmən e natimnat tol nəhlan, mæto rəhak natimnat kotol nəhlan taprækis agin-əh.^y ⁵Nian emos nian eit ətuatip, kən kəməhg-ipən io. Kən io etəm Isrel, emisi-pən e noanol rəha Benjamin, tipik min ilat min netəm Isrel ətuatip, kən io min iatətəu-pən suatip kitiəh. Aupən, io Farisi kit, kən iatətəu-pən wir Lou.^z ⁶Emolkeike pahrien e nikik rafin məmæ ekol Uhḡin nikin tagien məmæ emol nərətən kəm netəm koatahatətə e Iesu. Kəməseh̄m-pa-mən nat tərət kit ne e nəmegəhən rəhak mæto-inu emətəu-pən rafin lou min rəha nat Isrel.^a ⁷Məto natimnat min rafin əh itəm emətagile elat aupən, kən nikik təht ilat kotəwir pik agin, mæto roiu əh iatəplan məmæ ilat nat əpnapin əm mæto-inu enitun nat itəm Kristo təmol.^b

⁸Məto təsələn namnun ikin əh. Kən roiu etakil məmæ natimnat rafin agin, ilat nat əpnapin əm mæto-inu iatəplan nat kit itəm in təwir pik agin, məmæ ekitun Kristo Iesu, Iəramərə rəhak. Eməpəs rafin ilat o Kristo. Iatakil ilat tahmen e nəme nərik məmæ ekitun wir Kristo, ⁹kən məmæ ekioal kitiəh itimlau min. Uhḡin təsəplanən io məmæ ekətuatip mæto-inu io atip emətəu-pən ətuatip Lou, mæto in tatəplan io məmæ ekətuatip mæto-inu iatahatətə əm e Kristo. Uhḡin tatol məmæ io etəm ətuatip e nahatətəən rəhak.^c ¹⁰Iakolkeike məmæ ekitun təhmin min Kristo, ne nəsanənən itəm Uhḡin təmol in təmegəh min e nimisən, kən iakolkeike məmæ ekuwa iuəhk̄ir ron nian ekəto nahməən tahmen e nahməən itəm in təməto.^d Kən iakolkeike məmæ ekuwa mahmen lan e nimisən rəhan, ¹¹kən e suatip əh, ekitun nələhəu-pən əskasikən rəhak nətəligən lan məmæ, io min, Uhḡin otol ekəmegəh min.

w **3:2** Netənim neen e noanol rəha Isrel kəmotəgətun e niməfak məmæ okæike kəhg-ipən suah kit, kən in tæike mətəu-pən Lou rəha netəm Isrel məmæ in otətuatip e niganəm̄ti Uhḡin. Məto Pol təsolkeikeən ilat mæto ilat koateiuə matərək̄in nahatətəən rəha niməfak.
x **3:3** Rom 2:29 y **3:4** Wək 22:3 z **3:5** Luk 1:59; Wək 23:6; 2 Kor 11:22 a **3:6** Wək 8:3
b **3:7** Mat 13:44-46 c **3:9** Rom 3:21-22 d **3:10** Rom 6:3-5; 8:17

Pol t malkut  skasik m m  in otitun t hmin Kristo

¹² Es n n m m  enos r kis natimnat min  h, k n m m  e n meg h n r hak  h-roiu, io ek tuatip wir. K p. M to emit p m talkut pik m m  ekos mask lim natimnat min  h m m  r hak, m to-inu Kristo Iesu t mit p io k n mask lim ti kis, t mol io r han, m m  ekos natimnat min  h.^e ¹³ Piak min, es n n m m  enos r kis natimnat min  h. K p. M to nat kit h  m it m etalkut ron, m m  ekaluin natimnat e m ntaak, m talkut pik matos no h o nat it m tat m hl aup n-in io, ¹⁴ k n tahmen e suah kit it m t taiu m m  in otol win o nos n nat kit, k n io etaiu o nos n noan nalkut n r hak, k n noan nalkut n  h in n meg h n wi e Kristo Iesu it m Uhgin t maun-in io m m  ekos.^f

¹⁵ K n kitat rafin it m kinot skasik r kis e n meg h n r hatat, okot k ike motask lim n t lig n min  h. M to ok m  it mat neen n t lig n r hat mat tol pisin e nat u, p s Uhgin otol tag hag k m it mat n t lig n it m t tuatip.^g ¹⁶ M to nat keike m m  kot t u-p n suatip it m kinotitun r kis.

¹⁷ Piak min, otuwa kit h mot t u-p n n me nelk k, it m it mat emotol r kis n kot plan, k n otisilu wir net m koatit p n me nelkitimat.^h

¹⁸ Ot t u-p n n me nelk k m to-inu en n-ipin  r kis k m it mat nian tep t, k n roiu nahui n mt k t taiu ron m m , net mim tep t r halat naliw k n tat g tun m m  ilat tikimir min r ha namnus n t wir r ha Kristo m m  in t mimis e nig k m luau. ¹⁹ Uhgin ot r kin ilat. Koat t lig n pik  m n rpilat, m m  in uhgin r halat, k n motausit o nol n natimnat it m tol naulis n, k n n t lig n r halat tatuwin pik  m o natimnat r ha n tueint n.ⁱ ²⁰ M to kitat net m r ha nego e neai, koat sahgin losmeg h it m otisi-p n e nego e neai, u I r m r  Iesu Kristo.^j ²¹ K n in ot uhlin nip titat r ha n tueint n u, inu nagw n n nig  m tikolo, k n mol tahmen e r ha Kristo nian t m meg h e nimis n. In otol n hlan e n san n n r han it m titun n l h u-p n n natimnat rafin e r han n r m r  n.^k

4 ¹ Tol n hlan, r hak min, ot tul eskasik mihin nulan e I r m r . Iakolkeike it mat k n molkeike pik m m  ek plan min it mat. R hak min net mim, n meg h n r hat mat it m t tuatip tatol nikik t tagien, k n it mat noa w k r hak it m t wir agin.^l

Pol t mil s-ip r n t lig n r halat

² Iuotia ne Sintike, awi, okol n ku p s r hat mlau n rg h u n mueg han e n t lig n r hat mlau m to-inu r ha I r m r  k r n u it mlau.

e 3:12 1 Tim 6:12,19 f 3:14 1 Kor 9:24 g 3:15 1 Kor 2:6 h 3:17 1 Kor 4:16
i 3:19 Rom 16:18 j 3:20 Efes 2:6,19 k 3:21 1 Kor 15:28,42-53 l 4:1 1 Tes 2:19-20

³Əwəh, kən ik min, itəm kilau min ik kəmioal wək nuwəh rəkis, iakolkeike məmə nakasitu e pətan mil u, məto-inu emol pik wək itiməhal min ilau. Katuasitu lak matuən-iarəp nammusən təwir rəha Iesu Kristo, itimat Klemen ne piak min neen min itəm kəmotasitu e wək. Ughin təməte nərgilat e naoa rəha nəmegəhən.^m

⁴Otagien o İərəməərə nian rafin. !Kən ekən min, otagien! ⁵Otol kəm netəmim məmə okotəplan məmə itəmat netəm mətig. Kən məsotaluinən məmə otəsuwəhən İərəməərə titəlig-pa min.ⁿ ⁶Nikitəmat təsəht pikən natimnat min, məto e natimnat min rafin, otəfak-pən əm kəm Ughin o nat naka itəm nakotolkeike. Kən nian nakotəfak moatətarəh ron, otən kəm in məmə nikitəmat tagien o rəhan nəwirən.^o ⁷Kən Ughin otos-ipən kəm itəmat nəməlinuən itəm iahgin pik taprəkis-in nitunən rafin rəha netəmim. Kən nəməlinuən əh otərəməərə wir e nikitəmat ne nətəligən rəhatəmat məto-inu nakoatahatətə e Kristo Iesu.^p

⁸Kən roiu piak min, otətəlig-in natimnat min itəm tol nıpahrienən, itəm tətəkəlim nisiiən, itəm tətəuatı, itəm nolən rat tikə lan, itəm kitat kotolkeike, itəm nərgilat kotəwir, itəm kotəwir pik, itəm netəmim koatənwiwi. Otətəlig-in natimnat min əh. ⁹Otol nat naka itəm eməgətun itəmat lan, itəm nəmotos e nəmegəhən rəhatəmat, kən otol min nat naka itəm io emən, kən otol nat naka nəmotəhm-pa lak. Nian nəkoatol nəhlan, kən Ughin itəm tatos-ipinə nəməlinuən kəm itəmat, otitan itəmat min e nian min rafin.^q

Pol nıkin tagien o nasituən rəhalat

¹⁰Nıkkik tagien iatənwiwi İərəməərə məto-inu nuwəh məsin nəməsotasituən lak, məto əh-roiu nikitəmat tətəht min io. Nıpahrienən nəmoatətəlig-in pik io, məto suatı, tikə məmə nakotasitu lak. ¹¹Esənən nat u məto-inu natimnat itəm iakolkeike tikə ron io, kəp. Məto-inu roiu ekıtun məmə nıkkik tagien əm o natimnat itəm iatos. ¹²Ekıtun suatı, rəha nagiənən okəmə rəhak natimnat tikə, o okəmə rəhak natimnat tətət. Enıtun rəkis suatı anion əh e nian rafin, okəmə nıgak nagwənən tətət o noan məsin əm, okəmə rəhak nautə tətət o noan məsin əm. ¹³Məto-inu Kristo tatos-ipa rəhan nəsanənən kəm io, kən ekıtun naliwəkən e nəwirən o nəratən.^r

¹⁴Məto itəmat nəmotol nolən təwir nian nəmotasitu lak e nəratən itəm emətətig lan. ¹⁵Nıpahrienən, itəmat netəm Filipae nınotıtun rəkis məmə nian nəmətuoun motətə nammusən təwir e Iesu Kristo, nian emiet əpəh Masetonia, itəmat əm un nəmotasitu lak e məni. Nıməfak min tikə itəm təmos-ipa natimnat neen kəm io.^s ¹⁶Kən nian emuwın iuəhkır əm, e

m 4:3 Luk 10:20 n 4:5 Hip 10:25; Jem 5:8-9 o 4:6 Mat 6:25-34; Kol 4:2
p 4:7 Aes 26:3; Jon 14:27; Kol 3:15 q 4:9 Rom 16:20 r 4:13 2 Kor 12:10
s 4:15 2 Kor 11:9

taon Tesalonaeka, mətatig əpəh ikin, nəmotahl-ipa min məni kəm io, kən sənəmə mau kitiah əm. ¹⁷Sənəmə iategəs-in məni məmə nakotos-ipa kəm io, mətə iakolkeike məmə Uhgın otəplan nəwiran əh kən mətou itəmat lan. ¹⁸Emos rafin məni itəm nəmotahl-ipa kəm io, kən in tahmen maprəkis mətə-inu nian Epafrotaetas təməmik natimnat min u muwa kəm io, roiu rəhak natimnat rafin tepət. Itəmat nəmosos-ipən nat kit kəm Uhgın tahmen e sakrifais itəm nəmiəwin təwir. In tatos əm, nikin tətəgien ron. ¹⁹Kən Uhgın rəhak in otos-ipinə kəm itəmat natimnat rafin itəm tətuatip o nəmegəhən rəhatəmat. Kən rəhan rafin nos-ipənən koatisi-pən e rəhan nautə tepət təwir, kən moatuwa e Kristo Iesu.

²⁰Pəs netənim rafin okotisiai-in Uhgın Tata rəhatat tatuwin matuwin namnun tikə. Əwəh.

Namnun nəghatən rəha Pol

²¹Iatən təwir kəm itəmat rafin itəm nakoatahatətə e Kristo Iesu. Piatat min ilat min io u ikin-u koatən min təwir kəm itəmat. ²²Netəm rafin itəm koatahatətə e Kristo Iesu, koatən-ipinə təwir kəm itəmat, kən ilat min əpəh e nimə rəha Sisa koatən təwir pik kəm itəmat. ²³Pəs İəməmə Iesu Kristo otawte-in rəhan nəwiran kəm itəmat rafin.